



**CONCILIO||RVM QVATVOR GENE=||ralium. Niceni.
Constantinopolitani. Ephesini. et Calce=||donensis. Que
diuus Gregorius magnus tanq[uam]|| quatuor Euangelia
colit ac veneratur.||**

Merlin, Jacques

Coloniae, 1530

VD16 M 4842

Ordo de celebrando concilio,

[urn:nbn:de:hbz:466:1-72934](https://nbn-resolving.org/urn:nbn:de:hbz:466:1-72934)

De ordine celebrandi Concilij.

genda sunt. Canones quoque de unitate officiorum, nec ad aliud aliquid antea transeat. Quia ista omnia explicentur, ita tamen ut in totos tres dies letaniarum nihil aliud agatur nec tractetur, nisi sola collatio de mysterio sanctae trinitatis, & de ordinibus vel sacris, vel officiorum institutis, ita ut haec tota partiantur per totos illos tres dies, ut nihil aliud, (sicut dictum est) nisi sola quaestio de his quae praedicta sunt, habeatur, ita ut lectio semper congruens ordini, & causae quae quaerenda est, antecedit. Post haec, in quarto die reliquae per ordinem admittenda sunt, siquidem omnes qui de religiosis in retroactis diebus pro spualia instructione interfuerant in concilio, foris egrediantur, residentibus aliquibus presbyteris in concilio, quos metropolitanus probauerit honorandos. Per singulos tamen illos tres dies rogationum letaniarum, episcopi vel presbyteri cum ammonitore, primum orationibus se prosternant. Sicque collecta a metropolitano oratione consurgant & de diuinis tantum (ut dictum est) rebus collationem habeant, in reliquis autem diebus, cunctis astantibus oratio colligenda est, & sic confidentes causas negotia, iuste & religiose colligant. Nullus tamen tumultus, aut inter confidentes, aut inter astantes habeatur. Eodem tamen modo, eodemque ordine ad concilium omnes per singulos dies ingrediantur, quo superius iam praemissum est. Nam & si presbyteri reliqui aut diaconi, clerici siue laici de his qui foris steterunt, concilium pro qualibet re crediderint appellandum, ecclesiae metropolitanae, archidiacono causam suam intiment, & ille concilio denuntiet. Tunc illis & introeundi singulim & proponendi licentia concedatur. Nullus autem episcoporum a cetero communi secedat, antequam hora generalis secessionis adueniat. Concilium quoque nullus soluere audeat, nisi fuerint cuncta determinata, ita ut quaecumque deliberatione communi finiuntur episcoporum, singulorum manibus subscribantur, ita tamen, ut ante duos vel tres dies quae soluant concilium, omnes constitutiones a se editas, diligenti consideratione retractent, ne in aliquo offenderint. Item, in die quo concilium absolendum est, canones qui in sancta synodo constituti sunt, coram ecclesia in publico relegantur. Quibus explicitis, respondeatur in choro. Amen. Deinde ad locum redeunt, ubi in concilio resederunt, canones ipsos subscribant. Admonendi quoque a metropolitano sunt de pascha venturo, quo veniat die. Admonendi etiam sunt, quo tempore superuenienti anno ad faciendum concilium veniant. Eligendi etiam sunt de episcopis, qui cum metropolitano dies festos natalis domini & sanctum pascha debeant celebrare. Post haec, dicente archidiacono: orate, omnes simul in terra pariter se prosternant, ubi diutissime orantes, hanc vnus ex maioribus orationem dicat.

Oratio. ¶ Nulla est domine humanae conscientiae virtus, quae inoffense possit tuae voluntatis iudicia expedire, & ideo quia imperfectum nostrum viderunt oculi tui, perfectioni deputa quae sumus, quae perfecto aequitatis sine concludere peroptamus. Te in nostris principijs occursum poposcimus, te quoque in hoc sine iudiciorum nostrorum excessibus adesse precamur, scilicet, ut ignorantiae parcas, ut errori indulgeas, ut perfectis votis perfectam operis efficaciam largiaris. Et quia conscientia remordete tabescimus, ne aut ignorantia nos traxerit in errorem, aut praecipit forsitam voluntas impulerit iustitiam declinare, ob hoc te poscimus, te rogamus, ut si quid offensionis in hac concilij celebritate attraximus, condonare ac remissibile facere digneris, ut in eo quod soluturi sumus aggregatum concilium, a cunctis primum absolvamur nostrorum nexibus delictorum, qualiter & transgressores venia, & confitentis tibi subsequatur remuneratio sempiterna. Huic orationi, oratio, pater noster adiungatur, & cunctis adhuc iacentibus, haec benedictio explicetur. Christus dei filius qui est initium & finis, complementum vobis tribuat charitatis. Amen. Et qui vos ad expletionem huius fecit peruenire concilij absolutos vos efficiat ab omni contagione delicti. Amen. Et ab omni reatu liberiores effecti, absoluti etiam per donum spiritus sancti, felici reditu vestrarum sedium cubilia repetatis illaesi. Amen. Quod ipse praestare dignetur, cuius regnum & imperium permanet in secula seculorum. Amen. Quibus expletis, cum dictum fuerit ab archidiacono, in nomine domini nostri Iesu Christi, eamus cum pace, omnes illico pariter exurgentes, residete metropolitano ab ipso primum incipiente, osculum sibi inuicem omnes pariter dabunt. Sicque data sibi inuicem pace, contentus concilij absoluitur.

¶ Oratio diei secundae.

¶ Nostros tibi domine curuantes genua cordium quesumus, ut bonum quod nobis a te requiritur exequamur, ut prompta, scilicet sollicitudine gradientes, discretionis ardua, subtile iudicium faciamus, ac misericordiam diligentes, clareamus studiis tibi placitae actionis.

¶ Oratio diei tertiae.

¶ Ad te domine interni clamoris vocibus proclamantes, vnanimiter postulamus, ut respectu gratiae tuae solidati, praecones virtutis tuae efficiamur intrepidum, tuumque valeamus verbum cum omni fiducia loqui.

Incipiunt